

docriver 文川网
古籍书城
入驻商家
在文川网搜索古籍书城 获取更多电子书

福建府縣志輯

中國地方志集成

民國永泰縣志
民國閩清縣志

中國地方志集成

福建府縣志輯①⁹

民國閩清縣志

民國永泰縣志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成·福建府縣志輯·19, 民國永泰縣志、
民國閩清縣志 / 上海書店出版社編. - 上海: 上海書店
出版社, 2000. 10

ISBN 7-80622-424-6

I. 中... II. 上... III. ①地方志-中國②地方志-
福建-永泰縣③地方志-福建-閩清縣 IV. K29

中國版本圖書館CIP數據核字(2000)第27752號

docsriver 文川网
入驻商家 古籍书城

在文川网搜索古籍书城 获取更多电子书

重脩永泰縣志序

余遊永之明年而邑志於以脫彙校讎既竟經余送請省總局鑒定發還將付手民志局諸君子來請一言弁簡端監修余職也余不能無言歲戊午閩粵有事萑苻乘間竊發余下車伊始而邑東西北三區警報頻聞蹂躪殆無虛日南區自梧桐尾以上廣袤數十里尤以負嶠頑抗經大軍克復秩序底定至是而轄境乃得完全施治此則可為邑人欣慰者也余因之有感矣永邑地勢不利於交通本無軍事上之價值自時勢變遷山川險夷因而迭更邑之西南上通尤溪正南則達德化莆仙東北尤迫近省會道路雖甚崎嶇然善用形勝者實可以控制上下游設防布守不容或疎且近年股匪出沒靡定

永泰縣志 卷一 重脩永泰縣志序

尤賴防軍之鎮懾職在有司亦以地方責任綦重應付繁隨蓋軍事倥傯時代日無暇晷簿書錢穀而外他務未遑而志局諸君子乃以志書見質此在常人視之以為丁此時艱蓋急待設施且有十百重要於此者值羽書旁午之際而侈談文獻欲資以磨世厲鈍有類揖讓之救火毋乃偵甚抑余重因之有感矣永邑自宋元以迄明清號稱易治風俗古樸民質醇良物產雖非豐富然實足以自給人才輩出賢哲彪炳禮讓之風絃誦之聲於焉未泯故人易趨於軌道為之司牧苟不加擾則直可以治焉耳降至今日形勢日非匪擾之餘十室九空流亡未復庚癸頻呼爭訟之風日以滋長驚悍之徒挺而走險恬不為恥民質既變風俗亦頹夙昔文物之光榮日以泯沒環視

邑中所謂實業教育諸大端率窘於財力迄未有興起之望時勢使然無可為諱然究其所以致此而未能挽回此則地方有司之責而余所日夜引為疚心者也今幸邑志告成治事之暇得與諸父老商榷撫今追昔思所以改絃而更張之積弊當革積衰當起凡有利便於人民者當急起而圖之潛移默運今何必不如昔然則此志之成而相與徵文考獻興革損益余且以古為鑑而邑中諸父老亦宜追踪前哲勉其子兄詔其弟相與力田孝悌復返於禮讓而莘莘學子尤宜乘時崛起宣明文化程功之期寬以歲月官民俱納於正軌而交相砥礪舉壞薄煽惰之風一洗而空之積之愈久自必發之愈光然則轉移風尚且將於此志之成作之嚆矢也抑余聞之具有才

永泰縣志 卷一 重脩永泰縣志序

學識三長可以作史志猶是也兼才學識者不常有而史亦作然則脩志亦豈能獨緩哉志局諸君子皆邑中績學宿儒有聲州里採輯去取必有特長覽此志者自可以知之初無俟余之詞贅矣修志起於六年五月成於九年一月司其事者協修為周君遠然何君兆馨而中經變故始終堅持一無散失迄付剞劂則尤賴纂修王君紹沂之力是則可感也夫

中華民國十一年九月天台金 章撰於永陽官廨

重脩永泰縣志序

邑志之作從弢弓脫劍之餘揚厲昇平脩舉廢墜鉅典也亦盛事也永至今日豺狼遽起墟郭鼎沸人不安室涂罕順軌蕭樓楊亭之迹蕩乎荒煙班蘇劉略之士傷彼行路顧捐擗腎點靈辭義自附謝長樂俞甫田後詎不慎甚然子輿氏不云乎於不可已而已者無所不已茲志之務底於成其可已耶其不可已耶歲丙辰 督座培帥李公延沈丈濤園陳丈石遺主脩福建通志越明年命下所屬各志其邑且頒兩總纂擬定體例以期一律彌罅茲蕪移事屬類去其不當載者什之二益其所當載者什之六非引繩而直之絜矩而方之無所容其出入增損之謂謂夫國不異政書則同文其庶乎仰觀弗

永泰縣志 卷一 重脩永泰縣志序

三

失之天俯察弗失之地在官在民弗失之人得所依據文經而獻緯之閉門造車出而合轍也曾子之食魚也有餘潘門弟子請曰泔之乎抑與之也曾子曰泔之曰泔之不若與之之善也曾子喟然嘆曰其以我為有異心乎夫永故有志矣將務為屈彼伸此之辭羣言瞻咨其謂我何抑姑取已陳之芻狗而丹黃篋衍焉又奚脩之為幸而指南之車若轍可循大同之奏無絃弗改操刀使割第鱗次而鱗數之已畢烹鮮之能事焉問其孰為泔而孰為與也其不可已一也公緝如浣民困待蘇設局以來鉛槧書役之費糜數白金昔人有適千里者途未半而風雪阻之囊垂罄既而思車馬逆旅費已不貲乃丐以達其不可已二也萬歷志不及見矣繼緒部而纂輯者厥唯乾隆

志蓋專志也外此若永陽清氣錄方廣巖志小白渡志永陽石刻考永陽遊草雖亦闡山川之勝槩景義初之遺蹟明士夫之雅尚間彌邑乘之所不逮而主名有屬例弗兼及攷愈志絕筆於乾隆己巳距今周甲子者三揚子之言曰當身之事或聞或見萬不識一目前之事或存或廢千不識一矧此百有餘歲中官師之振飭風土之嘉祥天時人事之推遷聲名文物之殷盛固叢若絲繁若蠅集耶其不可已三也程算嶽之新安文獻康對山之武功縣志人知其為世重矣漏一則失重濫一則貶重疑一則損重故証之於古宜詳所未詳也不則一木張羅寸莖起音耳將管見竅聞者遺酌之於今宜精益求精也不則昭明埒鳳鳴虞疑虎耳將貴耳賤目者惑燕石自珍既

永泰縣志 卷一 重脩永泰縣志序

四

困於見醯雞炫舞復限於地持一束書憑一己腦力而欲括上下千餘年縱橫四百里事不待智者有以知其窮矣是役也周子遽然何子兆馨皆邑中祭酒互相牛耳文壇者實贊襄其事於裨官雜說傳記百家之書參互攷訂不遺餘力至耳目之所親記都人士寧不余畀而恡諸其不可已四也昔鄒氏珩纂台州志遭亂藏於家鄒歿及門譚玉書者持謁州牧某公曰懷此已若干年恐當事目為迂疏不急之圖逡巡弗遽進我公儒者也敢聞遂獲錄板世變極矣宵無常翳之晦水有必迴之瀾茲羣之成母為鄉孝廉續焉則幸耳民國八年歲舍己未莫春後二日邑人王紹沂序於磨笄別島之二梅書屋

重脩永泰縣志序

志者史體也凡山川水利風俗民情人才物產而其間險易厚薄盛衰消長無不詳紀焉以備徵文考獻者之瀏覽得失以爲吏治之助若第以廣博采夸風人之多識魁衆倫以效能抑末也永志始脩於萬歷再脩於乾隆距茲又百七十餘年矣邇者 大府檄各縣亟襄是舉知事 董公延 王梅承先生總其事不佞參末席搜軼事於故家訪舊聞於遺老收瑣談於稗史窮勝迹於巖扃謬者糾之訛者刊之罅漏者補之母濫毋遺務求其當識大識小各竭其才乃事未竟而檣槍告警潢池弄兵於是棘地荆天黃埃生慘霜戈電馬白日不輝予由是離筆硯涸跡塵俗與備販相俯仰而 王君則左挈

永泰縣志 卷一 重脩永泰縣志序 五

青氈石持禿管戢影於窮巖絕壑問茹蕤飲冰苦志茲役不半載而全書告成予自媿驚下之質因人成事而益傷薄殖荒落之終爲廢材也獨是至今日而談脩志譬之稻錦而察總功飯歎而問齒決難免不知務之請然以今日而談脩志如魯靈光如廣陵散千鈞一髮之所維繫正不容或忽焉倘猶事因循則故老凋零殘編斷缺流風餘韻漸蕩滅於煙銷波渺之中而莫之恤滋可懼也此予與諸君子所以受命不辭慨然從事斯舉如謂欲以文梓之材夏翟之羽而故炫其藻采也則區區之心果何以見諒於世哉
中華民國八年五月邑人何兆馨序

重脩永泰縣志序

將欲覃思樞精索隱探幽不拾人牙慧自成一家言出而問世豈無一二有道與我同一鼻孔而自明眼人視之則曰此三家村學究閒居無聊時捋其結落抑塞耳一笑置之則雖嘔盡心血徒爲後人覆醬餗已也其言曷足貴乎於是罔然高望求其大者遠者以補經史之所不及庶名山得分片席也卒之蚍蜉撼樹綿力不支遂蹶然止若然則可以終止矣乎曰烏乎可我輩生於斯長於斯縱不能爲國家光亦當爲閭里計此邑乘之修所以不得辭其責而亦樂得有其名也端居之暇冀圖博引廣徵旁搜遠紹畧者詳之缺者補之參以管見集爲一書備輜軒者採徐而思之前清道咸間吾鄉耆宿皆巍

永泰縣志 卷一 重脩永泰縣志序 六

然存其具有大識力者奚啻三五輩豈眞惜墨如金耶抑留而有待耶後生小子不揣冒昧動以先正事畧操筆削權如清議何是以又不果歲丁巳春余友 王君梅承就館署之東偏課讀暇出小啓函索文獻讀其詞炳炳琅琅心折久之竊喜曰最爾邑苟獲斯人潤色之則山川人物當燦然改觀矣故多方採擇不憚其勞欲以副友人之望者並慰予之初志也惜見聞非片羽即鱗爪耳求其全豹不能也其明年適下脩志令而王君司其事余亦濫竽焉不兩年間哀然成集余自笑始欲獨肩其任而不能繼則稍收其效而不得今則坐觀厥成焉蒼蠅無力附驥而奔余之謂也序之以博一粲
中華民國八年邑人周遜然蝶園甫序

原序

郡邑之有志也所以紀山川之險易戶口之登耗風俗之淳漓人才之衰盛俾蒞於其地者載覽篇籍有以知古今升降沿革之由政治得失世道汗隆之故得以維持補救於其間志之不可以已也如是夫戊辰秋余奉檄來攝永篆見夫重岡崇嶽菁林茂密蓋閩之巖邑也甫下車未及詢苦問俗亟索志書觀之茫然莫應因遍為採訪得萬歷十年唐令君所脩邑志四帙殘篇斷簡亦畧而不詳自萬歷至今垂百五十餘年則皆缺焉無所攷據噫異哉何永志之廢缺不脩至於如斯之甚也於是謀諸邑之人士亟襄脩纂皆踴躍從事甫陽俞荔家嚴同年友也延請總其事邑學博李君及諸生數人同司分

永泰縣志 卷一 原序

七

纂而世遠事佚蒐輯維艱於是借故家之藏書訪遺老之傳聞事必核其實人必闡其幽分爲十志義例昭然予於政暇亦細與爲商確雖不無挂漏務使詳而不支簡而不畧矢慎矢公勒成信史垂之來茲而余因是重有感焉夫自有明迄今多歷年所官茲土者不知凡幾矣顧惟簿書錢穀之是亟視志之廢缺如夏月之無裘其間高人貞媛行誼卓卓者皆湮沒而不彰可勝道哉使及今不脩更遲之又久故老凋殘遺編銷滅則其散逸莫稽又不知如何矣後之人雖欲訪升降沿革之由政治風俗得失汗隆之故果奚所據以爲出治之資也哉此余區區脩志之苦心也因書之於簡首

乾隆戊辰年十二月興安分刺攝縣事京兆陳焜撰

原序

昔人稱作史貴三長必才學識兼而後稱良史予謂脩志亦然蓋史所述者上下古今天下之事志所述者一郡一邑之事志卽開官外史所掌與大小史相表裏者也志不脩則事遠而聞見易至遺忘代遠而蒐羅每多放失志之不易脩也如此永邑志脩自萬歷間唐令君萬歷以後歷時滋多不無闕畧之憾歲之九月京兆陳公以興安分府攝篆茲邑慨然有意於斯役而折簡召予總其事予小子自慚謏陋於才學識槩無一可奚能爲役既辭不獲命爰與共事諸公發凡起例定爲十目悉心商確徵文考獻事必窮其源流人必覈其素履沿革以時而於人情不能無使拂者條而載之案牘之詞閭閻之

永泰縣志 卷一 原序

八

議弗敢裁也士大夫材品既異建豎亦各不同要於其富區而分之宜遊之碑墓下之石弗敢據也蓋於事寧詳毋畧卽推行未究尙冀補裨於將來於人寧嚴毋濫或輿論未諧以待采輯於他日法窮則變神明在人善者因之紛者定之亡者舉之去煩去泰移風易俗賢守令事也砥行立名崇儉型方將令後之載筆者藉芳聲耀簡策士大夫事也不然斯志也祇簿領舊萃之書郡國侈觀之具又何汲汲乎脩之爲哉既復陳公且質邑人士以爲何如是爲序

乾隆十三年歲次戊辰十二月莆田俞荔謹序

原序

永邑志乘修自明萬曆間嗣後議修而中止者屢矣非憚於纂梓之繁費則阻於議論之紛紜此所以架漏百五十餘年書缺有間焉戊辰秋陳書臺攝篆斯邑下車伊始詢及邑乘不特近事缺畧莫考即前志經滄桑之變亦散失殆盡爰集紳士於明倫堂共襄盛舉咸踴躍從事樂觀厥成申請列憲概蒙許可乃延蒲陽名宿俞老先生總其事猥舉不佞以侍研席蒐遺編輯舊聞計四閱月而書成夫邑之有志豈徒鋪張揚厲求文辭之工侈鉅麗之觀云爾哉將使一邑之疆域規制仕宦人物風土謠俗瞭然具舉足以信今而傳後繼往而開來者也苟或畧而不詳詳而不核隨聲以傳會師心而自是又何

永泰縣志 卷一 原序

九

貴乎志之修哉後之觀是志者謂其義例精明詳而有體則出自陳憲臺之加意蒐羅及俞老先生之裁定至於是是非非直道自有公評彼蒼默為鑒視敢有以私意亂其間者則余不佞亦可告無罪於永人士云乾隆十四年己巳端月穀旦辛酉科舉人揀選知縣署永福縣儒學教諭晉江李經書於學署

重修永泰縣志凡例

一 本屆修志由省志局總纂頒有定式為類三十有六精嚴詳密各屬一體遵照與舊志分綱為十系目於下絕不相符不得不裁衣適體以期吻合非故立異
一 鄉飲之典前清最為濫及年逾六十糜數金資緣即給冠帶榮身登之志乘適貽笑柄茲既刪去壽一門而四百餘歲之陳俊及百齡以上諸人自是昇平人瑞附列之大事志以災祥固大事之一也

一 山川名勝等類間有題詠統附本項下如高蓋山詩文即附高蓋山後餘倣此其無門類可歸始入藝文

永泰縣志 卷一 重修永泰縣志凡例 十

一 納粟入監雖列成均究與正途貢生不同此次概不登載即或名登仕版亦祇紀實職不列虛銜

一 官斯土者必有實績可錄方為立傳以傳之舊志有僅以操守廉潔理治勤敏等一二語附注職官名下竟似官員考語非志體也今悉為裁汰

一 現存時賢歌詠概不輕錄唯傳記有關係者採入一二以備考鏡

一 節烈一事最為婦人所難不表而彰之曷以勸來者除舊志紀載外百餘年來完節全貞其已經題准者固詳細錄入即貧寒之家未及報案果採訪確實亦必為登載以慰幽魂唯舊志各

作小傳幾於千人一律茲仿省志郡志體例奇節異行方爲立傳餘悉易以題名庶不令閱者生厭

一舊志藝文概用大字茲悉以雙行小字系之以省卷帙

一志內所引諸書及省郡各志俱於徵引處標明來歷唯屬於採訪來藁者不能一一詳載間有附參已見者加一按字以別之

一志體專以紀事非辨異考同之書然亦有實知省志府志舊縣志之謬不得不一爲訂正至志內詩文或有字句與諸志不符者非故意爲去取皆考覈原本於各條下注明

一新增各條或來自各姓家譜各員訪藁俱經糊壁任憑衆目觀覽其有紀載失實被人指摘者卽行刪去且底藁具在非鄙人

之私咎也閱者諒之

新修縣志姓氏

監修 永泰縣知事 江蘇 董秉清

監修 代理永泰縣知事 湖北 唐蔭爵

監修 永泰縣知事 浙江 金章

纂修 壬寅科舉人 邑人 王紹沂

協修 癸卯科舉人 邑人 周遜然

協修 筆口巡檢考職優廩生 邑人 何光馨

同協修 江西審判廳壬寅科舉人 邑人 鄧耀樞

同協修 前江蘇丹徒知縣乙未科進士 邑人 陳景韶

同協修 壬寅科舉人 邑人 黃大貞

之私咎也閱者諒之

同協修 廣東開平縣知事考職附生 邑人 江漢先

同協修 前福甯府學訓導乙酉副榜 邑人 張葆謙

校訂 諸 布 衣 邑人 鄒思忠

校訂 諸 布 衣 邑人 林星煌

校訂 恩 貢 生 邑人 黃廷炳

同校訂 諸 貢 生 邑人 吳夢齡

同校訂 歲 貢 生 邑人 朱恭梓

同校訂 諸 貢 生 邑人 鄭仰樵

同校訂 布 衣 邑人 張心南

同校訂 布 衣 邑人 陳克堅

同校訂 諸	生 邑人	鄧培鄒
同校訂 諸	生 邑人	王念章
同校訂 諸	生 邑人	陳榮烈
同校訂 歲	生 邑人	官饒
同校訂 日本早稻田大學畢業生	邑人	林棟
同校訂 諸	生 邑人	邵嵩
同校訂 諸	生 邑人	薛景東
同校訂 諸	生 邑人	鄧世榮
同校訂 諸	生 邑人	張燦照
同校訂 諸	生 邑人	陳瑞衡

同校訂 連江漳浦典獄考職附生	邑人	何兆渠
同校訂 諸	生 邑人	黃錫聰
同校訂 諸	生 邑人	鄧耀庚
同校訂 諸	生 邑人	陳師豫
同校訂 諸	生 邑人	張官清
同校訂 諸	生 邑人	林占春
同校訂 諸	生 邑人	華履謙
同校訂 私立法政畢業生	邑人	廖鴻翔
同校訂 武	生 邑人	劉履亨
同校訂 布	衣 邑人	羅如雲

同校訂 布	衣 邑人	薛壽英
同校訂 縣立小學畢業生	邑人	干全賦
同校訂 諸	生 邑人	許培光
同校訂 布	衣 邑人	王雲松
同校訂 諸	生 邑人	林詔陽
同校訂 福建省立師範學校畢業生	邑人	陳長綬
同校訂 福建私立中學校畢業生	邑人	許瑞卿
同校訂 福建私立中學校畢業生	邑人	劉道茂
同校訂 布	衣 邑人	林鑑光
同校訂 諸	生 邑人	溫步陞

同校訂 諸	生 邑人	邱炳昌
同校訂 諸	生 邑人	邱鳴崗
同校訂 布	衣 邑人	林文滔
同校訂 布	衣 邑人	林開保
同校訂 布	衣 邑人	陳疇
勸 募	員 邑人	陳瑞雲
勸 募	員 邑人	王步鄺
勸 募	員 邑人	林步瀛
勸 募	員 邑人	葉珪元
勸 募	員 邑人	張祖韶

萬曆壬子脩志姓氏

文林郎知永福縣事 桂林 唐學仁 主修
 工部營繕司員外郎 郡人 謝肇翻 纂修
 郡 庠 生 侯官 陳鳴鶴 同修
 布 衣 侯官 徐燭 分纂
 永福縣教訓 清流 伍可求
 永福縣訓導 連城 謝必敬
 楚雄府教授 邑人 林彭齡
 漳州府訓導 邑人 張仕涇
 泉州府訓導 邑人 張啓睿

永泰縣志

卷一

萬曆壬子脩志姓氏

十六

貢 生 邑人 藍圻
 貢 生 邑人 林茂
 庠 生 邑人 張啓通
 庠 生 邑人 林宏毅
 庠 生 邑人 張啓建
 永福縣典史 池州 張國勳 督刻
 同校 鄭廷元

勸

募

員 邑人

黃大昌

勸

募

員 邑人

許宴瓊

勸

募

員 邑人

侯贊康

勸

募

員 邑人

林鑑清

勸

募

員 邑人

林昇祺

勸

募

員 邑人

陳秉陶

勸

募

員 邑人

盧積成

勸

募

員 邑人

李挺生

勸

募

員 邑人

鮑立昭

勸

募

員 邑人

黃溫光

永泰縣志

卷一

新脩縣志姓氏

十五

勸

募

員 邑人

林啟標

勸

募

員 邑人

林養騰

勸

募

員 邑人

陳兆志

勸

募

員 邑人

陳大奎

勸

募

員 邑人

程承丹

乾隆戊辰脩志姓氏

興化府攝理永福縣事 陳焱 主修
 文林郎署永福縣事 伍焯 主修
 文林郎知永福縣事 畢成 主修
 文林郎署永福縣事 趙崇文 主修
 文林郎署永福縣事 溫成位 主修
 文林郎知永福縣事 王綱 主修
 文林郎知廣東惠州府長寧縣事 俞荔 纂修
 拔貢 生 陳雲客 同纂修
 永福縣 教諭 李經 分纂

永泰縣志卷一 乾隆戊辰脩志姓氏 十七

歲貢 生 柯珩 同分纂
 邑廩 生 董三錫 同分纂
 永福縣 教諭 張方高 校訂
 永福縣 訓導 康職思 校訂
 文林郎知廣東肇慶府四會縣事 黃任 同校訂
 文林郎知湖南長沙府安化縣事 力隨春 同校訂
 政和縣 訓導 林邦維 同校訂
 福安縣 訓導 彭鴻 同校訂
 舉人 林之桂
 舉人 黃忠

舉人 王陽開
 武舉 人 陳大任
 武舉 人 張光華
 歲貢 生 鄧標
 歲貢 生 張謙
 歲貢 生 柯兆祐
 國學 生 張光亮
 國學 生 程鯤名
 國學 生 柯文岳
 郡庠 生 柯上台

永泰縣志卷一 乾隆戊辰脩志姓氏 十八

郡庠 生 張紹雄
 邑庠 生 張道源
 邑庠 生 張光灌
 永福縣 典史 王子惠 督刻
 永福縣 生 柯文模 同校

緯候表

古先哲王察政窺璣知星與土精氣相維西學東來兩極測推一縱一橫儲精垂思矧橋驗准而北為枳氣為之感物應乃爾界畫區分五方殊軌因地因時責在燮理纂緯候表第一

星野古說也謂之於今則不合且星紀牛女為編建全省公共之耳言一二語可盡也用之於縣志尤不合而既已有之存其畧焉可

星紀吳越也周禮春官保章氏註

南斗牽牛須女皆為星紀於辰在丑越之分野史記正義

自斗十一度至婺女七度一名須女曰星紀之次今吳越分野後漢書郡

國志

永泰縣志 卷一 緯候表

十九

自斗六度至須女二度謂之星紀之次越之分野後漢書律歷志

僧一行云天下山河之象存乎兩戒北戒自三危至朝鮮是為北

紀南戒自岷嶓至東歐閩中是為南紀唐書

天市垣二十二星東西蕃各列十一星其東蕃第六星曰吳越宋史

以西法攷之赤道起箕終斗則閩分野已越元枵黃道起箕終牛則

閩分野當仍屬星紀續編建通志

西法赤道自箕三度七分至斗二十四度二十分黃道自箕四度十

一分至牛一度五分為星紀續編建通志

周禮保章氏辨九州之分野揚州屬星紀為斗牽牛須女三星閩地漢初附會稽班固志云吳斗牛分野越牛女分野則由揚州而

南自斗歷牛至女魏陳卓云會稽入牛一度星紀云說本鄭宗廟為經字每星一度轄地一千四百六里有奇閩距會稽千里而近則閩分野皆在牛一二度間也或以閩越在南而星紀在北為疑然據歷家仰儀之法推之仰儀反以觀象取光之所燭為驗吳越當之者

從星紀之所燭也永為福州屬邑亦分牛二度之榮光云舊縣志

按曰斗牛曰牛女曰南紀曰天市垣總之不離乎星紀者近是宋史所言東蕃六星之下亦仍以星紀屬之矣爾雅釋天星紀

斗牽牛也蓋謂斗牽牛者日月五星之所終始故謂之星紀惟斗

牛女之分野所占甚遠以閩浙兩省言尚不足以盡禹貢之揚州

又奚庸於永陽撮土指為何宿分野者

永泰縣志 卷一 緯候表

二十

永泰所屬經緯度表

緯	經	綫別	地別	度	分
赤道北	北京東			二	三十三
	英國天文臺東			一百一十九	
				二十五	四十七

氣候

永邑處萬山之中重岡複嶺地勢高峻自冬徂春多霜雪極寒清明後寒乃稍退霖雨時行山饒嵐霧向午方開三伏炎熱九月始涼若夫山谷之間夏亦少熱人不衣葛稍風雨雖盛暑亦須挾纒齊志

按縣城而下迤東多燥候與省垣同有霰無雪南得中候西北則恆寒積雪時有之平原或寸計山巖且經尺冷暖以地勢高低為度故草木或萎或不萎陂塘有冰有不冰菊開不必重陽桃華不必二月說土宜於月令四百里間幾紛紜錯互而不可究詰（張氏沃云）郊居野處氣疏以越一入重岡複嶺似雲非雲遊人觸之作數日惡近十數年鼠疫之發輒發於低窪處所熱度最高之區而深山窮谷且無之斯言也今又異於古所云耳

城鎮鄉寒暑氣候表永羅蘇爾而大小村落非布星羅限於篇幅不能悉載凡屬毗連處所可照所登類推

永泰縣志卷一 緯候表 一十一

地點之名	稱	氏華	氏播	氏華	氏播	氏華	氏播
九老坡	湯頭	赤壁	官烈	湯坑	赤壁	官烈	湯坑

區	之	低	高	度	溫	點	地	泰	水
最低	常	平	高	高	高	高	高	高	高
石壁	龍谷	鳳塘	鳳塘	鳳塘	鳳塘	鳳塘	鳳塘	鳳塘	鳳塘

附日出入時刻表

候別 日

冬 至 卯正 三 刻 四 分 西 初 刻 十二

小 寒 卯正 三 刻 二 分 西 初 刻 十三

大 寒 卯正 二 刻 八 分 西 初 刻 十四

立 春 卯正 二 刻 二 分 西 初 刻 十五

春 分 卯正 一 刻 八 分 西 初 刻 十六

清 明 卯正 一 刻 二 分 西 初 刻 十七

穀 雨 卯初 二 刻 八 分 西 初 刻 十八

立 夏 卯初 二 刻 二 分 西 正 刻 十九

小 滿 卯初 二 刻 八 分 西 正 刻 二十

芒 種 卯初 三 刻 四 分 西 正 刻 二十一

永泰縣志卷一 緯候表 一十二

候	日	時	刻	分	時	刻	分	人
夏至	卯正	三	刻	四	西	初	刻	十二
小寒	卯正	三	刻	二	西	初	刻	十三
大寒	卯正	二	刻	八	西	初	刻	十四
立春	卯正	二	刻	二	西	初	刻	十五
春分	卯正	一	刻	八	西	初	刻	十六
清明	卯正	一	刻	二	西	初	刻	十七
穀雨	卯初	二	刻	八	西	初	刻	十八
立夏	卯初	二	刻	二	西	正	刻	十九
小滿	卯初	二	刻	八	西	正	刻	二十
芒種	卯初	三	刻	四	西	正	刻	二十一

候	日	時	刻	分	時	刻	分	人
夏至	卯正	三	刻	四	西	初	刻	十二
小寒	卯正	三	刻	二	西	初	刻	十三
大寒	卯正	二	刻	八	西	初	刻	十四
立春	卯正	二	刻	二	西	初	刻	十五
春分	卯正	一	刻	八	西	初	刻	十六
清明	卯正	一	刻	二	西	初	刻	十七
穀雨	卯初	二	刻	八	西	初	刻	十八
立夏	卯初	二	刻	二	西	正	刻	十九
小滿	卯初	二	刻	八	西	正	刻	二十
芒種	卯初	三	刻	四	西	正	刻	二十一

論曰劉知幾有言今之天卽古之天也天同則天之乘象授時罔不同人之戴天同則人之觀天之象順天之時當亦罔不同而試與近世天文家登蠶望氣抵掌談論謂列宿應於下土分野屬之九州斤斤於斗牛女間指爲或吳或越有鄙夷不屑道者按西法定周天爲三百六十度與古所云三百六十五度者法已一變且古雖用歲差法而宮與星仍不易西法則以中氣過宮恒星有歲進之差故宮無定宿而宿以遞居各宮其理尤爲縝密步天之術若積薪然蓋實驗多則虛說自少也夫州縣部位非測天度不明地體渾圓南北二點正當天空之南北兩極其中腰大圈亦與天空赤道相當如人在北極下則以北極爲天頂洎漸向南行北極


漸低至赤道則北極與地平南極亦然是地之南北不同北極出地之高低異耳東地之日出入早於西地之日出入地周三百六十度與天周相應每度六十分都爲二萬一千六百分日歷天周爲晝夜分二十四小時時六十分都爲一千四百四十四分故時之一分等於度之十五分四分等於一度則此地之日出入早於彼地之日出入四分時是地之東西不同則日之出入遲早異耳大司徒以上圭之法湖土深正日景土深指南北日景指東西日南景短地在南近日故土圭之景短日北景長地在北遠日故土圭之景長此定南北緯度之理也日東景夕地在東日過其國午線時東地之景已夕日西景朝地在西日過其國午線時西地之

景方朝此定東西經度之理也是說也乾嘉諸老已能言之福建續志且有北極出地二十六度及偏東一度之附紀矣至若英化學士列查卡環以算理測驗推定各緯度該有之寒暑有堪波者謂爲各方之熱度非可推算宜隨處實測不得以緯度相同熱度決之善夫其深明鸚鵡不踰濟庾嶺之梅南枝先開之旨也夫昔人嘗有借四時常近夏一雨便如秋二語括全永之氣候者其友以高處呼寒低處煥天公恐不易調停折之外史氏從而避之曰戴天同而觀天之象順天之時庸有不同

地理志

史稱帝嚳初置九州後世守吏如古諸侯普天之下莫非王土度地居民設險固圉伊永之封複嶺崇峰草昧開闢藍筆雙蹤八到四至碁列鱗次申畫郊圻此物此志纂地理志第二


按原定測繪輿圖攝影名勝並出版等費全縣六區分募捐款三千六百元甫募中南二區七百餘元而匪氛滋熾難以進行惟全書脫稿已奉鑒定邑人士欲先觀爲快不得不暫將現募之款先出第一版俟地方稍謐再行補募按區測繪攝影續出第二版本版輿圖簡畧殊欠完備閱者幸垂諒焉



docsriver 文川网
入驻商家 古籍书城

在文川网搜索古籍书城 获取更多电子书

永泰縣城圖



閩中古百越地秦置閩中郡漢高帝五年封句踐裔無諸為閩越王都冶今侯惠帝三年分東甌封搖為東海王後相攻擊武帝發兵討之徙東甌民處江淮間其地復屬閩越漢置會稽南部都尉制之晉太康中置晉安郡領縣八陳永定初陞為閩州唐開元十三年改為福州永泰二年節度使李承昭析侯官之西鄉尤溪之東鄉置永泰縣屬福州新唐書云咸通二年析連江及閩縣地置宋崇寧元年以避哲宗陵諱改為永福民國三年以廣西有永福縣易致混淆復更名永泰參舊志

永福為福州支邑在府城西一百二十里東至侯官縣龍湖界七十里又至福清縣黃坑界九十里西至尤溪縣大埔界九十五里

永泰縣志 卷一 地理志

二十六

南至仙游縣寧嶺界七十里北至閩清縣滴水嶺界七十五里東北至侯官縣源裡界七十五里東南至莆田縣馬黨界六十五里又至興化廢縣八十五里西南至仙游縣淳湖界一百里又至德化縣炭城界一百里西北至閩清縣大帽仙峰界一百二十里東西一百五十里南北一百二十里周四百四十四里未置三鄉領十四里元析為三十六都明初因之正統十三年經鄧茂七之亂邱里為墟併為九都以上舊志清仍為三十六都缺九都十一都三十五都實只存三十三都按舊志於併為九都下系以圖輒因之四字攷清初契據各都仍然存在未敢以說

道路

傳覽易之侯考

東總幹路以東關外浮橋頭不過渡為起點里許至小東亭亭度東

亨橋張方氏殉烈坊在焉又過三板橋四里為馬洋濟渡處右行過馬洋渡

為第一支路越青竹坑渡又二里至銀場舊有石橋毀於水今新砌

里許左行為第二支路又二里至元帥廟其傍岸則汰王灘也渡灘

由隔頭窩潭會於金沙又二里至元帥廟其傍岸則汰王灘也渡灘

三支路歷潭頭公安公地有鄭時匡昇平人瑞坊過墩尾橋歷影

石列仙堯諸古蹟又過石圳前右渡溪為第四支路泊舟龍巖寺前歷下滿殿前過王堤尾渡會於幹路

或再歷溪洋為石會經金沙口雁崗里許為薛姓雙節坊度石塔橋

虎坑橋過小溪俗呼溪仔尾至台口街蓋自浮橋頭陸行二十五里至街

也里許至玉坪有坊為節孝薛林氏建者舊有渡今廢七里抵王墓相傳

地以葬閩王妃得名總幹路至此歧而為二甲幹路左渡溪歷湯口

永泰縣志 卷一 地理志 二十七

溪南由石壁過渡即所稱赤壁灘者乙幹路從王墓緣左岸達三島

過小溪右行為第五支路過三島亭越溪漸入北區歷九老坡度五門橋地於水代以矮橋旋架旋毀

而萬嶺而埤頭六支路會於瀨下而瀨下右過渡為第七支路東下路絕只得從石壁村上

陸行絕而舟通焉前此非不可舟以舟自起點沙灣道頭後直抵侯

支港也港不得舟永交界石與大江會沿溪無支港毋別白非無

斯不必以支名耳舟下瀨下瀨莒口瀨達塘前登岸為第八支路過

上塔馬坑下井大坵頭嶺頭為南田界一歷上塔北溪文尾七里溪

得洪湖度大招橋過龍嶼至太保崎為福清界又分小支由李坑至

南嶺坑為福清清田界自此而下官烈則斬然交界石為閩侯界矣

中南總幹路一而二而一者也蓋大溪南來中南兩區皆在茲溪

流域由縣城而上至寒潭為中區地點由寒潭至尤德交界處所為

南區地點中幹路實接連於南幹路率緣溪行溪通小舟險惡倍於

東下詳曹能始永福山水記畧不贅仍舍水言陸焉可耳起點於南

門過溪為中總幹路而南總幹路自縣起程實附之五里許過紅紅

亭上為北焦瀨岸分左右左過渡曰南焦瀨沿岸抵湖台為第一

坑洞時水不湍足者六角坑也前進有小市集為界竹口街右入大

應為第三支路鱗潭東渡則三門關在焉能始所稱三門灘者是也自此緣

溪左右分為兩幹路甲幹路自界竹口度板橋溪為大毛洋歷考坑

蜚英陞嶺由山洋而西左行至燒尾遂下湯埤嶺為龍津里即湯埤

路之埔埤又歷格埤溪口獅尾寨或過村頭渡或過梧桐至坵演南

區月洲為甲幹第二支路或山三渡左岸為坵演街與乙幹路合蓋

重溪至坵演或右赴岸草洋

甲幹至此已絕中區右界由傍岸小徑至寒潭刻石止進則南區已

永泰縣志 卷一 地理志 二十八

乙幹路始於三門關進而玉尺乙幹第一支路自玉尺入布嶺分為

鄉丑支路為白過石橋折入赤錫街左轉巷柄理為乙幹第二支路

葉黃坑等鄉埔埤街過湯埤而坂埤而村頭而梧桐尾街上下兩渡均

支甲幹獅尾寨或不過渡山街左行則乙幹第三支路抵盤洋又分

支坵洋架湖赤皮洋為乙幹第四支路又或過西潭溪歷西潭長埤

苦坪洋隔坵嶺白巖東湖為乙又十五里達坵演街再進為小坪乙

幹第五支路與仙游分界矣

第六支路為管杯石為楓模根左至三富洋則歷白杜左折入大喜

為大制為乙幹第七支路歷白杜小喜石板坑

為乙幹第八支路至寒潭溪中石刻有距城約百里為中區終點寒潭而上

為南總幹路越白壩觀音亭抵嵩口街嵩亦兩溪合流從西北來者

為尤溪之水南區呼為小溪從西來者為德化之水南區呼為大溪

上柯模隔左丙幹第一支路三十六灣連赤水面分四小支下大
 雙嶺涉赤水口前抵石鼓枯坑崩龍街狀口街白沙一水繞山背出
 二支路離白沙橫過渡為溪口灣雙溪后亭山泰上洋接壤德化南
 大溪內幹路於以告終丁幹路從溪口度浮橋沿大溪西岸歷白
 隔或沿溪連沈潭與丙幹路溪口灣接抵陳埔分左右二小幹左
 小幹入豐坑險嶺三十里至蓋洋歷南山石塘北鏡縣城至此凡二
 百里與德化界右小幹過小溪至山兜前折入下際為右小幹第一
 尤溪經白口長慶左行至上游為右小幹第二支路抵大埔蓮坑與閩清界茲則永
 之南界毗連隣轉者不越中區末由達南故中南兩區必合而言也
 西總幹路以臥鯉潭過橋由西橋亭西上為起點歷葛藤坪殿下亭
 永泰縣志 卷一 地理志 二十九

上通天隔過翁洋井後寨門嶺抵曹溪遙望花叢巖在焉右赴盤谷
 路左連北區雁門右與閩清界險花子嶺俗呼乞食嶺康可亭進新橋亭分為兩幹路甲
 幹路歷鄉坑下齋寨臺下洋店裡右至洋尾龍門為復歷大洋石坊
 下邊拱橋頭再歧甲幹為兩支支路入蒼蓋珠洋或由右更分小
 更分小支連十八重溪有亭曰長壩亭抵長壩鄉小洋中或右更分
 小支連官路通鄉洋章坑輪迴至三折橋為中區界丑支路歷麟洋
 南坑佛堂前露披上蓋張地左右各分小支乙幹路通下都油洋溪
 右為閩清界左至后官理長萬與南區界乙幹路通下都油洋溪
 尾上下洋乙幹亦歧兩支支路左通中區瑞應知支路而西路於
 是告終
 北總幹路以北門過溪為起點自北橋亭踰文殊山山頂有亭巋然
 祀泗洲佛今名泗洲亭嶺下為大坪口本名太度仙亭廟舊有亭圮

今新建者殊小右過牛皮湖度雁嶺為第一支路越古岸度清涼橋
 有寺曰清涼寺頗壯麗蓋自出北門十里而至清涼街也街分甲乙
 丙丁四小幹路乙丙居正北界線甲屬北東丁屬北西界線甲乙小
 幹路均從下墩洋小田左行過小田橋歧而為二甲幹路險梧嶺既
 越嶺望之翼然則梯亭亭在焉歷過嶺土門限南洋溫湯舊有溫泉
 今不知處矣陟帶崎嶇嶺椒亘一石橋為赤岸東坑二水所匯而東
 出壘口者洞泉如練則北來一溝涼境也其嶺為坂斗鄉由清涼街
 四十里抵赤岸分支路二子支路左由丹洋丹宅歷翠雲二十里與東區
 界丑支路右由洋理後園乙幹路從小田歷大汾嶺下符林險寨嶺
 前山二十五里與侯官界乙幹路從小田歷大汾嶺下符林險寨嶺
 嶺建亭三以憩行路越北山石埠下山大洋張洋與侯官界丙幹路
 永泰縣志 卷一 地理志 三十

從清涼街入七里鄉度嶺曰七里嶺歷數百級為第一亭次為嶺頭
 亭又次為清水灣亭又次為勸義亭又次為水痕巖亭又次為將軍
 亭亭六而嶺盡矣歷鳳際南陽抵白雲計清涼街至此亦四十里分
 支路三支路由藤嶺頭上東溪橫過松洋嵐頭格與侯官界知支
 侯官界辰支路由夫人宮歷藤嶺頭格與侯官界知支
 寮嶺下右險嶺至大隈隔與閩清侯官界丁幹路由清涼街取道黃
 土窩鐘石度鐘石亭再度村尾亭歷村尾鄉大墩琵琶湖頭店至
 馬家亭亦分支路三支路由馬頭嶺過隔至鄉洋與閩清界午支
 荷江地嶺與閩清界或由雁門連盤谷與西區界未支路入漢坪此
 坑嶺名洋嶺歷亭二抵名洋鄉連林江大墩紅洋嶺下真閩清界此
 北道之大畧也
 鄉里郡圖 安日保安日待且日元和日中和日和平日里十四日水

實曰唐元曰龍津曰義仁曰感應曰保德曰英達分都三十六
以一始以三十六終領圖九計豐和鄉圖二中和鄉圖四和平
三鄉圖

豐和鄉 永安里合一都二都三都統圖一計村二十一 保安里合
四都五都六都七都又合待旦里八都九都十都統圖一計
十七

中和鄉 元輔里合十一都十二都統圖一計村三十五 又分十三
都十四都十五都合光德里十六都十七都新豐里十八都

二十九都高蓋里二十都合和平鄉義仁里二十七都感應里二十八
都二十二都統圖一計村六十三 唐元里二十四都合

和平鄉 龍津里二十一都二十二都統圖一計村三十一
三都合英達里三十四都統圖一計村十九 英達里三十

五都三十六都統
圖一計村四十二

按舊志系村於都系都於里系里於鄉而未將某都某村分屬明

永泰縣志 卷一 地理志 三十一

白又未將縣東南中西北區域劃清且遺却三十都攷三十都為

寒洋上孟張地西塘東洋下村焦坪小孤葉洋巖下茂峰等十一

村本屬和平鄉感應里今土人稱中和鄉感應里意者亂離之後

相傳失實歟抑前屆修志時已缺三十都如現屆之缺九都十一

都三十五都歟更核三十三都三十四都地點均與現屆名稱不

符無從查悉茲將舊志原有村落照民國四年官劉保衛團轄地

分屬六區其村大失載者補之而仍錄舊分鄉里都圖於前庶乎

一目瞭然

縣區

城內 東門外 現為大南門外 水門外 西門外 北門外 後

隴 小東亭 欵驛亭今亭已其地無知之 銀場 下林 高峰

大坑 北港現無人居 太原 方厝街 湯洋 穴利 南蕉瀨 溪鑊

六洞 湯口尾 連埕 后舊 火燒橋 井崙 鳳落 嶺頭

暗關 張山面 長廳裡 存邊 洋山島 太平口 六角坑

湖台 布泉 庵後 彭坑 嶺面 巖下亭 陳山洋 北蕉

瀨 濠溪 後城 尾蒔壠 下坂 龍江園 馬洋 青竹坑

白沙 瀨頭 老虎畚 院前 赤嶺 南村 頭保 興福湖 對

山 馬附 東坑 仙溪 古德湖 桃源洞 七斗 樓梯石

鼎片梁 王庭坑

東區

永泰縣志 卷一 地理志 三十一

窩際 隔頭 繞場尾 限頭 公富 豐登 石圳 金沙 石

埕 台口 白鴛隈 草堂宮 過圳 番發尾 貢頭 津裡

鯉潭 伸坑 湖漁 埔邊 豐甯坑 首洲 松巖 七尺坑

蕉坑 大王坑 小王坑 玉坪 滴水巖 牛坪 坑邊 覆鼎

湯口 初坑 下島 王坑尾 巖前 王埕厝 雷壁山 溪

洋 萬石 崙頭坪 古井 埕頭 石壁 溪裡 旗頭頂 溪

南 九老坡 葛嶺 半巷 橫串 方廣坑 立洋 龍村 太

湖地 濠洋 龍洋 赤汾 巫洋 高洲 三島 牛畚 瀨下

溪西 考坑 鹿角 湖邊 龍樓 崙頭 橋頭裡 新坑

王墓 金鷄山 莒口 埕頭 馬鞍 嶺頭 羅秀 塘前 大

樟 北溪 占兜 官烈 洪瀨 東灣 大坪 芋坑 溪埠
埔崙 大招 湖尾 七里 龍溪 章山 北岸 觀音洋 左
嶺 東洋 莒溪 前村 大訓 李坪 上草滿 會湖 石門
坑 左右山 東湖 羅漢裡 上生 龍嶼 創嶺

南區

慶富 佳洋 三重溪 北溪 大喜 小喜 碧坑 月洲 溪
口 吉洋 宵洋 石板坑 青坑 店前 村墘即月 烏墘 白
墘 石龍溪 笋林 綠墘 長慶 尾寮在長慶 大埔 崎頭大即
埔 陳坑墘即大 苑裡 蓮峰 白石 上洋 巖坑路下 澤口
覆鼎 滌頭 白口即山 山兜前 嶺尾 關瀨 陳埔 風坑

永泰縣志 卷一 地理志

三十三

溪湖 盧厝寨 嵩口 白杜湖 龍湖 烏石坂 福卡 半山
山頭 石門坑一名新 東湖 赤水 金潭 王溪 濩口 北
巖院 上白沙 下白沙 衡陽 吉坑 吉坂 橫山矜 冲鷺
蓋洋 湖裡 麻蛇 礁頭 龜胆 黨前 前路湖裡以下六
內材頭 扛解前 下林 正洋 南山 北山 嶺兜 珠峰
半嶺 坪面 石塘 前洋 上西洋 下西洋上下西洋均溪兜
嶺頭坪 井後 初坑 高山 後亭 北鏡 探墟 土洋
山寨 湖厝 湖頭 金鱗溪 雙溪 杆林 吳厝前 廠坪
滌頭 石鼓 紫山 格柄裡 下羅

中區

界竹口 玉尺 赤錫 大毛洋 瑞應 杉洋 雙桂 埔嶺
白葉 巖頂 葉洋 五福 官秀 黃坑 坂頭 隔頭 白泉
坑 飄坑 蕉坪 念後 龜嶺 龍下 坑頭 山禪 崎兜
劉山 溪門 雲嶺 坂垵 赤皮洋 芹菜湖 盤洋 古祿
湯泉 燒尾 埔垵 格垵 格洋 南坂巷 溪口 椿陽 獅
尾寨 溪底 淡油 考湖 番洋 鵬程 後店 坂中 村頭
前園 飄竹 西林 梧桐尾 長灣 中洲裡 美湖 后源
宮 赤岐 新宅 清溪 何厝墘 三斗城 圻演 白城 小
坪 長泰洋 棋兜 苦坪洋 大渭 白杜 溪北 青坑裡
潭頭 筲杯石 傅築 寒潭

永泰縣志 卷一 地理志

三十四

西區

盤谷 下洋 下寮 江洋 番洋 東坑 鄭坑橋 石鼻裡
下都 滌頭 下畚寨 塘池 鐵場 石鼓 滌尾 下院 曹
溪 王洋 店裏 蒼後 麟洋 龜洋 龍門 洋尾 朱洋
榮門前 官路口 橋頭 上洋裏榮門前以下四村 院裏 南坑
牛山即慶山舊志 佛堂前 下弼一名 西洋裏 後坑裏 富洋
南慈番 長龍 文藻 鄭洋 王滌或名 章坑 官路 赤洋
小五舊志作 秋龍 三捷橋 土溪口 十八重溪 十里林
龍鍾洋 鐵鑪洋 包了洋 小白杜 芹草洋 大磨一名 鄭
宅即秋 觀田即秋 輔弼 洋邊 新宅 章坂 泮潭 村樓 上

村均在補瀾村內 寒洋 上孟 張地亦名 西塘 東洋 下村
蕉坪 小孤 葉洋 巖下 茂峰

北區

清涼橋 古岸 蘇坑印蘇 極樂山 竹演 村尾亭 北斗 七

里 鐘石 漁溪 馬頭裏 小田 大田 黃潭裏 廣濟坑

雁門 荷峰 官墩 溫嶺均屬雁門村內 瀨柄 石牌 鳳寮

利洋 樟洋 明洋 洋口裡均屬利洋村內 鳳陽舊志作 翔峰舊志

呼作雙俗 溪坪 藍亭 白雲舊志作 大坵 松洋 南陽 莒蒲

坑 雙溪 山洋 張洋 大洋 北山 石岸 硯洋 江源

嶺頭 裏東坑 大嶺下 嶺霞 文溪舊志作 洋裏 葉洋 前

永泰縣志 卷一 地理志 三十五

山 後園 蘭東山 蒲洋舊志作 帮洋 催洋 牛皮洋 武陵

巖 滑溪 白箬限 坑口 湖洋 翠雲 缸坑 前東坑 大

橋仔下 仙峰 溪尾 桂院 丹宅 丹洋即淡 赤岸 北

園 水溝 坂斗北園以下三村均屬赤岸村內 下寨即赤岸前洋 帮崎 溫湯

南洋 上門限 箕坑 連山 塗山 梧嶺 梧桐洋 芹洋

東宅 溱洲

論曰合百千萬億之星而成天界合凝流動靜之質而成地球合

鑽石金土之物而成山嶽合溝澮溪河之水而成滄海置水於閩

之全部猶區脫也然腹背手足必各守其經以達於榮衛元氣始

充盈而神以舒開體大司徒掌建邦之土地以周知九州地域廣

輪之數又職方氏掌天下之圖史記蕭何傳漢王所以具知天下

阨塞者以何之得秦圖書也未史袁燮傳燮為江陰尉常令每保

畫一圖田疇山水道路悉載之合保為都台都為鄉合鄉為縣徵

發爭訟追背披圖可立決誰謂最爾邑無庸是亟亟為者則東不

盡龍湖黃坑南不盡辜嶺西不盡大埔北不盡瀆水凡在地域之

內者必此疆彼界洞然心胸耳目周於全境精神貫於四維以斷

永泰縣志 卷一 地理志 三十六

合乎調劑之宜而後可而不然者是力田而不知隴畔也營業而

不計資本也治病而不辨証候也行軍而不諸戰陣也雖未必一

髮之牽致累全局而一孔之穿已成敝衣先民云天下興亡匹夫

之賤與有責焉矧實司牧此四百里也哉

大事志

大事有表棟高顧氏宋呂祖謙名大事記先民有言斷章取義其名或沿而例各異遺事流傳曾萃成編理亂之故興罷之年荏苒之警天人之愆恐懼脩省如鑑誠懸纂大事志第三

唐初置永泰鎮治大樟

永泰二年改置永泰縣徒今治一云大歷間改爲縣

宋崇寧元年通志作崇寧九年改永泰爲永福避哲宗諱

乾道二年天寶瑞雲寺石橫山而行齧地成溪石上復生龍爪花是歲

新國棟魁天下

四年游洋民鑿井二丈餘得石有文曰石上狀元明年鄭僑及孫亞之者爲右清源石

永泰縣志卷二大事志

宗起

明洪武四年山寇溫九抄掠鄉里有司捕之逃去尋復來寇義士楊

惟義率衆圍獲之

正統八年沙尤鄧茂七作亂福州山賊因之攻劫諸縣永民死者不

可勝計先是西北鄉民有俾言曰今日錄東嶺明日錄西溪汛泰

悍兵手寧存猛虎喉至是始見見章治雜錄

十三年尤溪人僑永者以衆應鄧寇先是尤溪貧民備於永永人奴

隸遇之至是率衆侵軼我邑所過屠滅井里爲墟

成化十九年六月大風兩拔木壞公署民居

二十一年三月雨至閏四月不止大水泛溢民多溺死

正德十二年四月地震是歲凡五六震皆有聲

十四年雨雪平地五六寸高原至二三尺

嘉靖三年始城永福縣

五年正月至四月不雨知府汪鳴盛奏獨是歲租賦

十一年雨雪大皆吠

十八年四月颶風大作屋瓦皆飛

二十一年三月雨至閏四月民多溺死繼復大疫死者無算

三十三年大飢巡按御史何維柏賑之

三十五年有海鹽精迷人犯者多死民間晝夜擊金鼓防守月餘乃絕

永泰縣志卷二大事志

三十七年李樹生桃

三十八年五月五日倭寇突至屯於泖口適兵備使者由泉州將千餘人入會城假道於縣經宿聞倭至急引兵去知縣周煥率士民留

之弗得獨留浦城兵二百人煥乃集民兵與浦城兵分壘共守寇環

攻之急東南民殊死戰寇中藥矢死者百餘人勢少却會浦城兵守

三舖者先縋去西北二門守者從之三舖及西北民皆從之寇由三

舖上城遂陷時五月十二日也日已曛東南民尙力戰然勢不可爲

矣煥與鄉宦黃楷林居美諸生林槐林大有義士謝介夫黃浩張麟

皆戰死時浦兵有善大有者挽之使去大有嚙其腕絕之遂遇害

善永福倭變記明嘉靖三十八年己未夏五月十二日倭千餘攻陷永垣時知縣周煥由歲貢歷調諭新任斯土典史趙誠入觀回至尤

漢聞警觀望不與雖先是倭掠洪塘有望永界匿者賊因尾焉局令燒城外屋絕賊巢處廷杖重光寺僧賄用事林向方屋存且供賊糧焉累撤千總林泰兵至郊坑不及遁巡僉事盛磨自泉州戰回兵千餘知縣招紳百姓咸再四懇留不聽委浦兵三百而去倭遂逼城周令以民間浦兵守令巨家供西北富民曹大補樂杰張元仲何榮張宗鑾等以惡具餉兵怒曰毋敢急即去不汝守也西北聞之豫爲去裝獨東南兵民極力効守中流矢陷雖去調導黃紹自去矣適東樓伏郎機失火煙漲西北兵謂攻將陷雖去調導黃紹守猶力登始奔匿焉西門相率空西北從之賊乘勢入時申刻也東南三百餘人紳衿則林居美林訓黃楷黃槐林大有編民則黃浩張麟等皆東南出死力所以覆禍獨倭也計燒民屋六百餘間及縣堂三城樓烟火連天再易日賊去半舟半陸劫男女百餘丁口永遂荒矣初周令實縱民匪費遺生員願潮運出庫金亦別移折色米石斗級領出支給訖特千總與兵備道故遂及於縣可恨也夫抑又聞之犯道家忌遂失火攻城造甲申道家謂殺在巳午未據歲月考之固未年午月未日也陷始申方時又申刻信然耶否耶方監司查覈功罪未詳余何敢言第據事直書以示後守城者且以慰九京也是爲記錄瀋川林氏家譜

永泰縣志 卷一 大事志 三

倭既陷永城其黨分掠各鄉燬白雲三峰寺唐咸通二年建寺僧百餘衆殺戮殆盡掠其貲以去

四十年潭人王鳳以種苧失利聚衆據二十八都爲亂不旬日至數千人監司發兵擊賊糧糴不足百姓皆逃匿獨利洋人耶俊出家財持詣軍壘給食兵得無飢餒又散家財號召邑中豪傑得六百餘人自詣縣請擊賊乃率衆迎賊於九鶴里與戰殺數十人倭亦身被數創而死明年巡撫劉籌遣將滅之西北諸郡殘燬蕭然

四十三年八月大水衝壞城郭田廬人畜多淹斃者
萬曆十六年靈芝產於知縣內宅一本三華燦若錦綺十七年十八年皆產

十七年正月汀人邱滿聚衆據陳山爲亂知縣陳思謨請於巡撫趙參魯遣把總王子龍滅之

十八年倭洋小姑西林赤皮赤水諸處客會盟爲亂而倭洋賊曹子賞包二等先發建旗殺掠屯於大埔之碼頭知縣陳思謨與邑人典儀張仕朝等乘其未會率鄉兵勦滅之

四十一年大水壞城郭田廬有刀星現
崇禎三年水

十七年七月朔夜大風拔木空中隱隱有兵戈相鬪之形
清順治三年八月邑寇陳乃孚爲亂乃孚名君陸本長樂人冒入永岸素見凌於豪族時唐王據閩乃孚集亡命千餘人以勤王爲名

永泰縣志 卷一 大事志 四

陰欲修怨於永二十一日乃孚屯兵重光寺託言操練有知其謀者大呼於路曰乃孚反矣人皆驚竄城門遽閉乃孚見事洩遂放火斬關而入焚縣劫庫素有睚眦咸遭屠戮知縣明宗室朱由楷閩門皆死於火由楷被執不屈死之十一月四都寇黃關周等又擁衆攻城殺乃孚一家焚其居室知縣翁曰賓死之

十二月邑寇趙子章攻掠白雲居人遠避賊盤踞四閱月飽其所欲乃盡焚廬舍而去

四年七月有大星隕於西聲如霹靂又虎豹傷人
五年大飢山寇陳思皇陳德培四出劫掠攻陷城池縣主周星炳逃於花壺巖殉節

七年正月大雪盈尺

十年三月有白氣如花如霧飛揚滿天良久乃散

康熙二年閏六月大水十月彗星見西方百餘丈

十三年三月山賊陳德元老虎三馮餘二乘耿精忠反攻城焚劫見

城上有兵戈鐵馬火光燦爛蓋神兵也不敢攻而退

十九年大飢七月大水流重光寺二門金剛廟東鐵樓流民載道知

縣董治國請發倉穀在重光寺煮粥賑卹十月彗星見

二十年大旱禾稻絕收

四十八年坪街火

四十九年旱大飢十一月火焚縣東門外文昌閣

永泰縣志 卷二 大事志

五

江蘇旱災行我今號泣呼守蒼胡為

慘降此災荒田禾稿死人流亡窮黎烏有顧拉歲客秋收米價昂道殣彼此遙相望今春二麥登場耕田鼓腹幸小康四月之杪兩沱湧乘水翻浪插秧繼以耘籽頗多忙匪從此日亢陽兇龍鼓角喧轟呼嗟旱魃太猖狂焦金燧石火繼發野田曠龜坼長灘或微雨灑甘漿禾復抽青蘇黃無如烈火災禍臨陽賦賦生角芒再發三發起復枯莖不實盡被糠粃傷漢一帶近水鄉桔槔梯上挂山梁其奈五里十里空箱從茲婦子泣隨池塘可憐三時作苦脫袴裳有秋失望空倉箱從茲婦子泣隨池塘掘草日不追如此赤地遍村莊飢民何以度星霜安得撥荒力濟時方一為援手起瘡痍積財積福試施商我言未已嗟落涕行見章治難錄

五十八年大水壩壘口永濟橋

雍正十二年七月泮池上聚五色雲精華層擁祥光耀目

乾隆九年十二月二十三日余德海倡亂劫奪十九都白雲殺增生

黃正拔二十六日知縣駱驥駐防千總趙才巡檢傅幼學擒獲之

十六年七月十四日颶風大作飛瓦傾樹

十七年七月初八日東門外大水

二十年春二月雨雹

二十一年東門外火

三十五年大水街決堤岸

五十年八月北鄉清涼橋圯於漲

五十三年正月二十九日大雪

六十年四月大飢斗米易錢八百文

嘉慶二年秋霜隕禾穗

十二年南鄉虎患

永泰縣志 卷二 大事志

六

十三年九月初十日東門外火

十四年七月有大星從東墜及天半分為數星隕如雨

十五年正月初二日雪如掌色赤

十六年八月十七日水漂民居無數

十八年有秋

二十一年四月清涼街火

道光五年九月地震有聲如雷民居多損壞

二十二年七月大水淹民居廬舍倒塌城中水入縣署乃取頭門永

福縣懸額投巨浸中水勢始退

咸豐三年德匪林俊倡亂四月陷德化五月初十日知永福縣劉用

錫信志委王師儉張德靜帶勇二百名赴嵩防堵六月二十日斬匪偵探於詩春寺

是歲飢

四年大飢斗米價錢九百文

七年德匪竄擾各處知縣劉用錫協全委員陳春熙遍赴各區諭辦

鄉團並於張地築礮臺禦之

同治三年七月初七日嵩口水圍地百餘畝變為深潭王森芝秋漲

飢民來搜是此屋溪之限忽然連日雨不止溪流暴漲疾如駛舟草灘水移城頭飢民苦旱今苦水旱乾為虐苦難言至霖如漏尤聲吞土人哭道稻將熟新穞泥塗波底綠見憾結山房集錄

八月彗星屢見

永泰縣志 卷一 大事志

七

十一年春陰淋瀝月鹽價湧貴

光緒二年三年連飢

十六年五月二十八日三十三都小溪大水計流棺木一十九具漂

沒人口百餘壞田地千有餘畝知縣沈俊親赴該地勸災頒發賑銀二百八十三元省賑濟局陳景

韶頭發賑銀三百元

十八年十一月二十九日大雪積地三尺

二十六年六月大水壞廬舍破墟

二十八年夏旱鼠疫作自是連歲苦疫死者枕藉疫之作也鼠必先斃故人呼為鼠疫

宣統三年七月十一日有黑雲起天半團圍如車蓋最後垂尾數十

丈搖曳空中閃爍昧目

民國元年八月初一日一都水漂店屋無數以舊歷紀下做此

三年二月至六月德匪連劫三十六都上南山鄉下南山鄉及湖頭

嶺兜石塘等鄉

復更永福為永泰以廣西亦有永福縣故也

四月初八日三十六都長潭村杉木廠獲尤匪池阿安兄弟兩人暨

蕭阿富等即時解送后亭營劉連長處劉派隊押回尤邑中村就

地正法查池阿安係匪首蘇德偽南營將

六月初二日尤匪將子游陳子江林德煥等劫掠三十二都蓮坑鄉

侯坦書等計居屋被燬六所辦團生員侯占箕遇害擄生員侯海

觀暨侯方招等五人

永泰縣志 卷一 大事志

八

二十三日三十二都大埔鄉協全長慶上洋嶺兜東洋等鄉以鄉團

攻后寮匪巢斃匪十七人團兵陣亡十二人傷亦十餘人時陣亡者林德

邦事發林事新魏在連張發智葉堯輝朱乾定朱道珍朱到潘侯國運葉春木魏等厚四年五月收其骨歸葬大埔之南標其碑曰義民之家

七月獲尤匪林崇取洪阿言張德泮張阿蕭均槍斃

十一月二十八日匪掠赤嶺鄉殺居民林登源

四年春尤匪焚掠赤嶺鄉上滌鄉

三月十七日尤邑匪首蔣子游張來源被獲送省正法

六月十三夜匪掠三十二都溪兜槍傷三人斃一人

秋德匪蘇望舉尤匪林德煥鄭麒麟等連劫蓋洋鄉殺居民鄭宴章

等四人燬鄭姓屋四所

五年七月二十日午後有黑煙如豕入沙灣方阿燕家旋越鄰牆張宅而下轟然一聲風雨驟至屋瓦皆飛烈焰蓬蓬從屋梁出不數分鐘已成灰燼

十二月十六日西鄉洞冰

六年二月十八日德匪陳阿居方金水李丁貴劫掠三十六都彭坑

鄉斃許其福一人

閏二月十六夜德匪陳阿居揭蓋洋保董許宴瓊等嶺頭坪鄉圍聞警奔告王連長明福王即督隊堵截瓊獲逃歸

七年正月初三日地大震

永泰縣志 卷二 大事志

九

春旱自六年九月不雨至四月乃雨

清鄉保安隊第二營營長孫國鎮未就撫以前嘯聚數十人夏初據

白雲鄉之獅子巖兩宿拔隊去旋擄大洋鄉居民兩人五月入嵩

蒲坑鄉保董羅如雲張錫章集鄉團數百禦之被傷一人北區團

總王紹沂馳謁知縣唐蔭爵連長鄭震東合派兵警協勦孫遂竄

伏隣轄然出沒無常五月二十九日復進攻大洋鄉與鄉團相持

三日夜孫潛遣心腹問道入張錫章住宅燬之衆心始慌遂奔計

燬民居七所槍斃李秋懷一人十月十二日官軍敗之於九老坡

偽排長金姓戰斃二十日孫欲吞併羣匪而有其衆誘斃王克勳

九 卽十 及其黨邱十六王章端王火四邱森官侯轄小葉鄉俗呼麻

先生等六人賊二人而八都十七都十九都六都七都一帶蹂躪幾遍至十二月始就薩督辦鎮冰撫界以今職

是月股匪蘇萬邦賴成源蘇國忠等六百餘人由長慶攻大蓬洋圍總林昇祺保董葉珪元連戰八晝夜擊走之大埔蓮坑上洋等鄉賴以保全

七月十三日太原林峰自稱奉有粵軍委令聚衆東北其黨王克勳何步青王欽等應之擁衆數百擊溺鹽商三人以爲縣城唾手可得唐知事蔭爵遺團緝隊擊散之擄林德元林德熬邱十三處以極刑

八月十六日有粵軍旅長杜姓營長朱姓入嵩口鎮據之時汛口后

永泰縣志 卷二 大事志

十

亭蓋洋下寮白口等鄉計被燬民居九所

二十九日股匪涂飛龍陳和順黃興賢賴成元等燬西區文藻鄉居

屋五十餘座

十一月初六日股匪黃進興陳和順燬西區民居六座復同涂飛龍

梁繼星等燬長埔民居七座擄女孩一人官路鄉兩所巨屋亦同時被焚

是日粵軍司令蔣中正兵人縣城以書記官莫昌葵攝理縣事十二

日官軍克復之

十八夜匪槍斃二十九都居民四人

二十日官軍克復嵩口

十二月筍出地成竹

丹洋鄉匪首張鴻慶即六八聚眾分掠巫洋燕宿坪白箬限等鄉營長

孫國鎮敗之於坑頭俘其黨八人二十日駐葛陳連長偵獲之八年正月初三日在縣城正法

永泰縣志 卷一 大事志

十一

論曰三代之治五季之亂興者祥亡者妖天時人事之戾常休徵咎徵如詔如示人人能言之也自起長平之坑劉石河洛之毀回訖長安之焚耶律德光打草穀之虐金幹離不宋汴之殘黃巢方臘劉福通李自成張獻忠洪秀全輩所至燔掠死人如亂麻人人能言之也茫茫世變莽莽興衰上下數千年縱橫數萬里熟通掌故者若屈伸指而數庭樹而獨至咫尺之地眉睫之間紀載闕如老師宿儒不能詳其一二君子憾焉永泰地磽民貧宋元以前無苦大盜者明祚中衰倭患遂烈敷澤之雄又嘯聚潯陵遠近之逆奴凶豎懼罪遁逃者倚為窟宅醜類雜居淫虐並起恃險阻聚亡命出則劫掠居則吞噬比比皆是謂治亂非天數耶則蛇門於門

永泰縣志 卷一 大事志

十二

麟獲於狩左氏之說不誣也謂皆天數耶則高宗正厥事周公代兄死宣王側身脩行早不為災之應不誣也世異時遠傳聞異辭繙閱舊本每有相顧撫掌大笑絕倒者後之視今猶今視昔彙存之俾數典者資攷証焉

docsriver 文川网
入驻商家 古籍书城

在文川网搜索古籍书城 获取更多电子书

山川志

城郭都市與時推移山峙川流迄無窮期或蘊藉之或濼澗之屏蔽
奧區宜豐化機攢而如笏抱而如帶標嶺雲間安流煙外奠高濬深
任土所麗山川邱陵地險攸賴纂山川志第四

山川總明魯學佺永福山水記閩中永福縣是一山水窟東與侯
里其水則流為溪石皆錦色樹狀斜而古多叢竹竹叢見潭潭在谷
中其上則水亦居十之二餘之子稱故書於此予見水居十之一有
石可以室者也與水同一流而不可飲風露地稍深有上有樹
傍可以室者也與水同一流而不可飲風露地稍深有上有樹
幾林類檜敗址遺構宛然竹若蛇行若累石以指足始可達相對
有一小嶺可觀水脈嶺亦竹蓋也水聲入竹中如裂始坐頂上對
皆渥水到避之不及水傍之室近而無水患者以其在巖頂方可
巖亦有水脈有石室但彼則水脈上而石室客此則石室為主而
水脈為客也巖之高可以核深可作內外室與廣可作東西室察而

永泰縣志 卷一 山川志

十三

石室也室內石孔盤如龍尾泉滴其上石室之東為水簾水簾之
下有石室曰靈羊谷亦以水石之相蓋山之名之爾西由方廣
玉泉鐘特仙芝仙草之類亦有水石之相蓋山之名之爾西由方廣
巖越縣以西有高山亦以水石之相蓋山之名之爾西由方廣
相及一巖耳始末有路必緣崖而下後有路從石門中出閩王
總之巖之所開也石門中巖崖而下後有路從石門中出閩王
尺無傍枝樹之傍也石門中巖崖而下後有路從石門中出閩王
耳徐君墳在西室有龜嶼石門對立相傳此龜嶼石門對立相傳
東室有水脈之水脈之外有古杉樹數株高與水脈接其
首亮其枝下垂說者以為二級雲霧騰騰手跡耶樹色蒼翠從外
此巖處與石門合為二級雲霧騰騰手跡耶樹色蒼翠從外
不見片石也出高蓋山則為方壺方壺出為池有魚而神可愈
閱音巖而石巖在巖頂上望見必出寺而斜繞始可到所望
益遠有石大上像巖頂上望見必出寺而斜繞始可到所望
者以閣王碑名此巖巖頂上望見必出寺而斜繞始可到所望
其地高峻而日遊無時而不秋也心甚樂之由此可達江與侯官

永泰縣志 卷一 山川志

十四

一接距東而極西矣其南而與德化接者為溪溪源可遠
其三百六十招樓有能操者兩人容可三十石而下歷數十
凡三及數里有聲轟然如雷水聲中又下為巖巖如石舟
地軸重瀾而下曰大洞相激而左為巖巖如石舟
浮沉噴沫如雪旋乃出大洞而左為巖巖如石舟
中若為蛟龍沸騰有巨石踞立如觀城狀其下即舟
處水勢比諸灘特大洪流激山根動頭岑足搭幾欲上
前者一經而四五人奉之氣乏力盡乃得尺寸幾欲上
達縮若小指然下則疾矣去數刻許而至朱坑口由朱坑
里經十餘里忽有巨石坎布而灘頭水更急六道注數丈
彭作萬鼓舞舟忽有巨石坎布而灘頭水更急六道注數丈
澤可三數食頃稍進至赤錫重亦亂石鱗鱗奔奔者而
而會焉舟急不能流忽從上脫下如飛奔者而
巨石如舟急不能流忽從上脫下如飛奔者而

永泰縣志 卷一 山川志

十四

激湍即前曲數四環出其後而會於下流名曰倒石
左舟過必取道入下將下處旋手足即為泡沫又近崖多
故舟過必取道入下將下處旋手足即為泡沫又近崖多
以此稱險數十最險者八港亂石阻溪上狂瀾急折永
可須臾易此以取三離八港亂石阻溪上狂瀾急折永
亦多龍古狀如龍爪王侯文登赤壁二石壁橫其下
江為龍潭之路即東與侯官文登赤壁二石壁橫其下
生即龍潭之路即東與侯官文登赤壁二石壁橫其下
成即龍潭之路即東與侯官文登赤壁二石壁橫其下
會即龍潭之路即東與侯官文登赤壁二石壁橫其下
記即龍潭之路即東與侯官文登赤壁二石壁橫其下
志即龍潭之路即東與侯官文登赤壁二石壁橫其下
所即龍潭之路即東與侯官文登赤壁二石壁橫其下
之即龍潭之路即東與侯官文登赤壁二石壁橫其下
湖即龍潭之路即東與侯官文登赤壁二石壁橫其下
十即龍潭之路即東與侯官文登赤壁二石壁橫其下

仗尤分疆城早已流峙窮離刻形高天勢低勢阻地形窄下觀者
兒孫中間森劍戟西北萬勢以遙青東南一當碎濤勢當頭對面
△相向離奇浩渺萬狀或如屏障或衣帶驚崖怒濤相下上山
影波光看不足置風吹破蟹烟絲我當俛首謝宣城高唱更懷蘇
玉局携琴彈出高山流水音衙
齊醉倒杯中醪(見卓治雜錄)

山

磨斧山 在八都離縣五十里山自尤溪發脈至永之赤岸鄉突起

一峰靈光誅宕景物離奇風雨晦冥移步換形不可方物蜿蜒磅礴

磅礴於縣治爲一邑之祖山與名勝門參看但名勝詳異境古蹟

此詳形勢險要以下倣此(參舊志) 若目登臨四望通衆山小一

覽萬里微雙峰石色寒斜照橋痕臥霧虹晚風天外動知是大王
雄見總巢壘 清王惟遠磨斧山詩我家磨斧東出門山在目背
冥倚天開履鳥穿雲宿遙首星辰近低頭心目肅但覺風颯颯多
寒而少快個進緣巧蒼人勇我則縮諸峰一何小兒孫競風伏不

永泰縣志 卷一 山川志

十五

政高聲呼恐帶謂予演顏言寄
餘生分此山林福(見陔南詩鈔)

登高山 由北磨斧來爲城中主山其最高曰鸞峰餘詳名勝(參

舊志) 宋陳武祐登高山賦焉橫茫荒野離離於百千年每開閭

海之味日機樂宇之多鄉我不屑於此來遠氣埃於樓臺之場西
風滿扇市人如蠅揮之不可乘來成朋嗟世緣之浪浪峻閣步於
塞騰噓吁嗟永城之藪爾而登高山之卓爾也尤溪發脈越數百
里突如其來遠址於此磨斧峰爲其祖山極樂巖祇其餘氣東鼻
虹井其所肆之窟大張展旗其所憑之几通環下欄萬類在目非
衣岡而足流執居石而遊鹿羌史塵之染人消交氣於覆牘得徑
委延于山之麓有雲在空有御爲風舍率而徒風雲孔從展畫未
折盃酒不豐意然足香故出谷中引響而呼吳蒼可通綽約天之
道盤悅覽愛一曲之譜諸僕寒之宮莽蒼際天青紫碧聯堆樓以
北松植其巖挺者人立仆者關眠俯而毛縮仰而蓋圓曉朝曦以
景光目前其或宿寐朝嵐糊空綉山漢漫浸漫莫知其端紫城野
賦乎物表念入煙之周遭歡慶衰了倦飛燒鳥希顧我以一笑仙其
羽翼其未生焉禁于懷之情情(見禮集)

高蓋山 西離縣四十里石壁奇聳道書稱爲第七福地闔王郊天

封爲西嶽餘詳名勝(舊志) 清王輝章紫蓋放雲峰詩杖頭杖雲

西陲仰門呈辰近俯瞰煙霧低雲容亂曉曉雲氣沾衾衣其際蒼
番雨其陽露煙霏萬態窮冥中明滅誰端倪遊道絕巖窺洞際
遠遙蒼然時天半不受風塵縹緲風聞茲山名遐想傑期何况
其巔八表供支頭草草去復還恐爲山靈喚自不早投簪名山願
緣情集

陳山 離縣四十里有石如龍亦名石龍山其脊有路直走巽化(

舊志)

小天台山 在八都距城六十里屹立天半望見洪江及省垣雙塔

餘詳名勝 清林芳小天台詩同是天台路偏多古木陰寺荒疑日
暮葉落識秋深江遠沙痕白林幽鳥語沉夕來涼吹發
(見新編集)

永泰縣志 卷一 山川志

十六

辜嶺 離縣四十里舊置巡檢於此(舊志)

天竹嶺 東一都由羅漢入道通閩縣

通天格 西離縣二十里其巔可瞰縣城 明陳朝錠通天格望城中
云人煙明夕照堆樓嶺層雲路向盡頭竟 詩俯視盤危也都京安足
天從何處分近關二十里蟻挂笑紛紛

張地衝 西南離縣一百七十里沿大溪派流而上爲梅德永界

後亭衝 南距縣一百八十里爲德永界

梯頭格 北離縣七十里漢朱買臣所云一人守險千人不能上者

也爲侯官入永孔道

鷓鴣 在北前山鄉離縣七十里爲侯永界 清王森芝登鷓鴣詩北

台爭巔復有一山台斧西獨立無偶甘寂寥地形衝要人迹少
界永之北勢深對土人向余津津道絕頂一覽衆山小亂石疊就